

Was aber gar arme Ertz / die von einem bis in funff vnd sechs lot gehalten / vnd des grossen Dütten ofen halben / vorhin nicht geschmeltzt worden antriffte / die mügen auff die krumm ofen arbeit / auff den Stain oder Eech / abermals mit geringen Düttenkosten geschmeltzt werden / Inn massen wie dann solches schmeltzen vnd arbeit / durch Vnser Schmelzter auch im werck erweisen lassen / vnd so dann nun wie obgemelt befunden worden / das den Gewercken on abgang oder schaden des Silbers / an Kohlen / Pley vnd Dütten ofen durch solche beyderley schmeltzen / ein merckliche ersparung beschiecht / auch darunder die Waldt zu den Kolen viel mehr dann die helfft erspart / die armen Ertz mit nutz dardurch auch andere erpant / gearbeit werden mügen / Derhalben so wollen vnd beuelhen wir / das nun hinfuran solch beyderlay schmeltzen / mit dem offen aug / vnd krummen ofen auff diese art vnd maynung / wie es die gelegenhait der Ertz gibt / gebraucht werden / Darob vnser Hauptman / Verwalter / Bergkmeister vnd Düttenreutter / vleissig handhaben sollen / vnd ob iemand aus den Düttenherrn / Dütten Schreibern / oder Schmelztern / sich hierwider vnghehorsamlich erzeigte / oder eynliche ver hinderung fürwenden würden / dieselben alsdann nach gelegenhait zu straffen / Es sollen auch fürterhin Keyne Ofenbrüch oder Schlacken den Düttenherrn / durch kainerley schein mehr folgen / sonder so bald die Gewerck schafft auffgeschmeltzt vnd die Schlacken aus der Dütten gelauffen werden sollen sie inn Vnser freyes gefallen sein.

Damit das ienig zuuorhüten / so vormals durch die Düttenherrn vnd Schmelzter / den Gewercken zuschaden vnd abbruch gehandelt worden.

Vnd nach dem auch bissher ein itzliche Dütten / sonderliche aigne Düttenmeister vnd Schmelzter gehabt / die den Gewercken so inn die selben Dütten gefaren / geschmeltzt haben / Vnd aber die erfarnhait gibt / das inn einer Dütten viel vleissiger vnd künstlicher Schmelzter / dann inn der andern Dütten sind / Demnach sol es hinfuran inn der Gewercken oder derselbigen Schichtmeister willen stehen / ihres gefallens die besten vleissigsten vnd künstlichisten Schmelzter fürzustellen / vnd sollen die Gewercken hierwider von den Düttenherrn nicht gedranget werden / sondern frey sein.

So haben auch bissher die Schmelzter im gebranch gehabt / wenn sie in vier ober funff stunden / ein fesse flüssig Ertz geschmeltzt / das sie alsdann die kurtze zeit / für ein schicht gerechnet haben.

Demnach